

幼
幼
新
書

幼幼新書卷第四

形初保育

凡二十二門

後學古吳陳履端于始輯

茂苑楊大潤濟卿較

小兒胎教第一

聖濟扶眞翼正章曰泥在鈞金在鎔陶冶所成子在
母胎豈無待而然耶故示以賢人君子使知好德示
以禮法度數使知制心揚以聲音之和若琴瑟鐘鼓
欲厭足于耳作以剛毅之氣若犀象軍旅欲感動於
目觀圭璧珠玉取陰陽之至精誦詩書箴誡取言語

之至正以至調心神和情性戒喜怒節嗜欲皆因物
随感有益于得者也若人有殘廢物有醜惡鳥獸之
毒怪者欲其勿見刑不全割不正味異常者欲其勿
食是又防閑忌慎無所不至在胎如此生則明智忠
厚端莊好德美好壽考矣昔太任之妊文王也以此
哉

小兒初生將護法第二

聖濟保衛鞠育章曰五行孕秀春夏秋冬之異宜五
刑有殊相也陰陽委和筋骨氣血之不同五態有殊

氣也夫始生而蒙冲和均稟五行陰陽形態潛異蓋
母氣胎育有盛衰虛實子有剛柔勇怯之異是以嬰
兒初舉汗穢欲其蕩滌不足欲其輔翼冲和欲其保
全如惡血拭以綿指吞在胃膈吐以甘草入在腹中
利以黃連皆以革汗也啼聲不發呵臍以溫之甚者
灸熯以攻之皆以助不足也衛顱顱之天杜風池之
邪浴以通血脈哺以助穀神皆以養冲和也三者保
子之常法然吐利有輕重灸熯有多寡或先吐利使
汗穢畢除或先灸熯使疾疢不作然後負氣自育其

緩急先後之序隨時變通之也若執小兒氣盛不知陽中有陰而專于吐利執河北關中地寒不知南北之異而專于灸熇或謂嬰孺之病無承據不知榮衛血氣與生皆全或兒脉多端与老壯殊不知藏府呼吸有形皆同必察剛柔勇怯視其汗穢無憚于吐利視其虛弱無憚于灸熇審五形適以寒溫之宜審五態導以陰陽之平病之輕重緩急隨證治之不蔽于難治脉之長短遲速因形別之不拘于至數慈幼之道其庶乎

葉氏兒始生肌膚未成衣煖筋骨緩弱不見風日肌膚脆軟便易損傷故絮著衣莫用新綿天暖無風抱兒日中嬉戲數見風日則血凝氣剝肌肉硬密堪耐風寒不致疾病不然如陰地草木軟脆不任風寒薄衣之法從秋習之以漸稍寒則必能耐不可春夏卒減否則令中風寒冬月著兩薄襦一複裳又當消息勿令出汗恐致虛損便受風寒晝夜寤寐皆當慎之其飲乳食哺不無痰癖若微不進便當將護甚則下之如此不致寒熱也又兒始生氣盛無有虛勞微恙

須下病愈調益若不時下疾甚難治冬月下之難將
護然有疾不可不下夏月下後腹當小脹節哺數日
又哺須多少有常劑兒稍大食哺當稍增若減少是
腹中有小不調便當微藥勿復哺止乳之甚者十許
日輕者五六日自當如常若不冒哺而但飲乳是癖
為疾不可不下否則寒熱或吐而發癰或致下痢則
難治治其輕時兒不損而病速除矣兒少病癰者母
懷妊時勞役運動骨血則氣強胎養盛故也兒背須
著帽項衣取燥菊花為枕乳兒三時摸兒項風池慎

護之若壯熱熨使微汗不差便灸風池及背第三椎
第五椎第七椎第九椎兩邊各二壯一歲七壯兒大
者以意增可至三十壯唯風池特多十歲以上可百
壯穴在頸項筋兩轅邊針灸傷經絡聖惠立夏後吐
慎安針灸
下動藏府微疾慎之當以除熱湯浴之除熱散粉之
除熱赤膏摩之臍中膏塗之令兒在涼處勿禁水漿
常以新水洗河洛間地寒兒喜病瘕浴兒三日喜灸
以妨之又灸頰以防噤噤者舌下脉急牙車解急決
舌下去血灸頰以治噤江南地溫無此疾今不詳南

北按方用針灸多害是以田舍兒任自然無此夭又
春夏決定不得下兒蔽府氣弱易虛易實下則下焦
虛益上焦生熱熱則生痰痰則成病非當病不可下
也

諸家皆以
此為宗本

千金論生男宜用父故衣裹之女則用母衣勿用新
帛及過厚令兒傷皮膚害血脉發雜瘡而黃

聖惠論兒一暮內不得以綿蓋頭面冬可袂衣蓋頭
夏宜單皆不得着面及乳母口鼻吹兒顙新綿及厚
令兒壯熱或發癩

兒甫匐以後逢物即喫春夏必飲滯水冷物秋初疾作多啼不食或好伏地面色青黃或時腹痛多啼或睡中驚啼或大便秘澀秋風吹暑背心脚心便成瘡痢與冷藥傷滑不禁与澀藥氣壅不行傷損藏府益令不食遂使虛熱上衝面黃髮焦滯惡于内手足如火自然風水溢橫四肢便腫如此將養十無一生

張渙論兒生兩月目瞳子成能笑識人不得令生人抱及見非常之物百晬任脉成能反覆當節喜怒適寒溫半晬尻骨成當教學坐二百日外掌骨成當教

甫富三百日牘骨成當教獨立周晬膝骨成當教行
步世人不能如法徃徃抱兒過時損傷筋骨慎之
萬全論田婦護兒絕無他疾辟之草木生于深山大
澤容易合抱至于異果奇材縱加培養間有不秀實
者豈貴賤異哉兒數見風日即血凝氣剛肌肉硬密
能耐風寒以田舍兒較之相似

顧顛兒初生日与平和飲子

指迷兒生三日後与母服

人參

茯苓

甘草

升麻

各一分

水一盞煎一合半時時與之乳母忌油膩滿月及

百晷加時冷加白朮熱加硝各半錢

仙傳方降真香兒帶之能辟邪惡

別說柳絮與兒卧佳以性涼也

本草白油麻與乳母食子永不病若父熱作飲汁服
停父者發霍亂客食抽人肌肉

千金灸法生兒七日至週年灸不過七壯炷如雀屎
大

擇乳母法第三

下乳吹
姊附

千金論血氣為乳汁也五情善惡悉是血氣所生母

乳兒須慎喜怒且乳母形色所宜其候甚多不可求
備但取不胡臭癭癭氣嗽癆疥癰癢白禿癰瘍瀝唇
耳聾聾鼻等疾便可飲兒

千金治乳無汁方

一方有桂心

石鍾乳

四兩

漏蘆

三兩

蓀蓀根

一用實

通草

各五兩

甘草

二兩炙一方不用

呔咀水一斗煮三升分三服

又方

猪蹄

二枚熬炙槌碎

通草

八兩細切

清酒一斗浸之稍稍飲盡不出更作

一方以水一斗煮取四升

入酒四升更煮飲

千金翼鯽魚湯方

鯽魚

長七寸

猪肪

半斤

漏蘆

鍾乳

各二兩

呔咀猪肪魚不須洗清酒一斗二升煮魚熟藥成去滓適寒溫分五服即乳下飲相去須臾令藥力相及

鼠肉臠方

鼠肉

五兩

羊肉

六兩

麋肉

半斤

三味作臙勿令疾者知

張氏黃金散治婦人一切疔疾中年胃虛血衰所致
少年因產後卧失將息喜怒食物所致或因兒食乳
吹唾而成未破曰癰既破曰漏

陳皮黃明者新瓦上磨去白水洗淨瀝乾切細麥
麩拌和入銚內文武火炒候香熟黃色攤地上出
火毒去麩為細末入麝少許薄紙裹帖男子懷中
一復時童男尤佳無灰酒調下二錢或三錢睡良
久再服燥痒生癰疹便散破者合極患者不過三

服

乳兒法第四

顛顛經夏熱時乳母沐浴冷水妳得冷氣血脈皆伏
便與兒乳使多胃毒及赤白痢凡浴後定息良久候
氣定熟揉與之無患

千金論乳兒太飽則嘔吐以空乳乳之即消旧四乳
兒臍未愈太飽令臍中風夏不去熱乳令兒嘔逆冬
不去寒乳令兒欬痢母新房乳兒令兒羸瘦交腰不
能行母有熱乳兒令變黃不能食母怒乳兒令喜驚

發氣疝又上氣顛狂母新吐下乳兒令虛羸母醉乳
兒令身熱腹滿凡乳兒先授散熱氣勿令汁奔出令
兒噎輒奪其乳食得息息已復乳如是十返五返視
飢飽節度知一日幾乳而足以為常又常捉去宿乳
兒卧以辟枕之令乳与頭平兒不噎母欲寐奪其乳
恐填口鼻不知飢飽

聖惠論乳母不禁忌子百病並生是以春夏衝熱哺
兒發熱疳并嘔逆秋冬以冷乳哺令腹脹羸瘦嗔怒
哺子患狂邪醉後哺子患驚癇天釣急風等病有孕

哺患胎黃及春疳有疾哺患顛癇風病吐後哺嘔逆
羸瘦傷飽哺多熱喘急

乳母雜忌慎法第五

聖濟乳哺襁褓章曰人之初生胃氣未固膚革未成
乳飲易傷風邪易入乳哺欲其有節襁褓欲其有宜
則達其飢飽察其強弱適其襁褓循其寒燠者蓋必
有道論乳者夏熱冬寒怒醉吐下及新房皆致病也
論襁褓襁帛故絮資父母之餘氣以致養重衣幃帳
皆致病也論哺以賴穀氣三日用飲過此用哺多寬

以日為則如是五歲得養而胃氣壯矣論襁褓去寒
就溫天和無風之時攜抱嬉戲日中如是血凝氣剛
骨骼成就矣聖人論飲食有節起居有常矧嬰兒其
可忽諸

聖惠論乳母食諸豆及醬熱麵韭蒜蘿蔔等可食宿
煮羊肉鹿肉野雞鴈魚鯽魚葱薤蔓菁蒿芹菠薐青
麥蒼蓬冬瓜等若兒患疳不得食羊肉及魚油膩手
襁褓及抱兒不得以火炙襁褓熱時便與兒著令染
熱病冬尤戒大寒以火炙衣被且拋土上良久熟換

之令冷煖得所即與初之如乳母有夫倘新過犯氣
息未定即乳必能殺兒未滿月驅使人不得令有所
犯到于兒前惡氣觸兒得疾難療

哺兒法第六

肘後兒新生三日應開腹助穀神辟米濃作飲如酪
與兒大豆許數令嚥之頻与三豆許三七日可哺慎
不得次與雜藥紅雪少少得也

千金云兒哺早不勝穀氣令頭面體生瘡愈而復發
又疳弱難養三十日後雖哺勿多不嗜食強與之不

消復生病哺乳不進腹有痰癖四物紫丸微下之見方
變蒸節哺數日自愈

寶鑑云兒五十日可哺如棗核百日彈丸早晚二哺
莫抱檐下澡浴當風解衣哭未斷而乳胃冷而哺又
不可在神佛驢馬畔各房異戶之親諸色物器並不
可觸犯之害子性為驚癇經云三歲未滿勿食雞肉
子腹生虫

錢乙云兒多因愛惜過當三兩歲猶未飲食致脾胃
虛弱平生多病半年後宜煎陳米稀粥粥面時時與

之十月後漸與稠粥爛飲以助中氣自然易養少病
惟忌生冷油膩甜物等

初哺日第七

外臺初哺良日

平定成日吉哺不得令鹹

寅丑辰巳酉日良

男戌巳日女丙丁日俱不得哺

嬰孺

壬寅壬辰酉日吉

浴兒法第八

千金論浴兒湯極須冷熱調和不然令兒驚亦致五
藏疾冬浴久則傷寒夏浴久則傷熱數浴背冷則發
癩不浴令兒毛落新生浴兒者以猪膽投湯中終身
不患瘡疥勿以雜水兒生三日用桃李梅各三兩枝
咬咀之水三斗煮三十沸去滓浴兒去不祥終身無
瘡疥治驚辟惡氣以洛金一斤虎頭骨一枚水三斗
煮湯須浴時煮

虎頭骨湯主辟惡氣令兒不驚不患諸瘡

虎頭骨

五大兩如無骨亦得碎

白芷

三兩嬰孩五兩

苦參

四兩

切水一斗煮湯內猪膽汁適寒溫

簡要方

益母草一大把剉水一斗煮十沸浴且不生瘡疥

益母丸

尉苗

紀用經浴法

三日五日七日浴

寅卯酉日吉壬午丁未癸巳凶不能上三日勿犯

下三日

聖惠方

白芷

二兩

苦參

三兩

剉水一斗煮七分去滓加鹽漿水浴了以粉摩之
不畏風且散風

寶鑑浴湯用猪膽瘡疥不生用金銀虎頭骨麝丹砂
辟惡氣客忤驚癇用桃楮梅根葉解體熱溫壯之
病

退風湯

猪膽

苦參

防己

黃連

甘草

白及

藁本

杉

栢

楓葉

莊氏五根湯

栳柳棟桑槐用根剉枝六得加豉為湯浴仍以光
粉鮮粉撲身辟邪吉

拭兒口法第九

千金曰兒初生以綿裹指拭口舌上青泥惡血謂之
玉衡若啼聲一發即入腹成百病翼云成痞病死
聖惠論兒乳後以髮纏指沾清水點拭看齒根有黃
筋兩條以葦刀割斷點猪乳差如兒口難開先點猪

乳

集驗云兒初生日以井華水或溫水將怕畏指蘸拭
兒口因而捺舌及兩頰令稍寬舒不生口噤積熱風
疾等拭畢用少研細入麝乾坏子胭脂塗口中令兒
美乳食

兒上下唇與齒齦連處皆有一筋牽引若上唇筋緊
即生上煉下唇筋緊即生下煉上煉生瘡滿頭或眉
間如癰狀瘙痒不已復流黃汁至處生瘡下煉起腰
背漸至四肢患亦如上若疾甚不治或頭面上下相

通累年不輕又咬折或成大病是唯每日早晨拭口
佳

斷臍法第十

千金云臍不得以刀割隔單衣咬斷以煖氣呵七遍
即纏結所留帶致兒足跌上短則中寒腹中不調下
痢先斷臍後浴臍中水發腹痛斷訖連臍帶中多有
蟲急剔撥去不爾入臍成疾臍當長六寸長則傷肌
短則傷臟不以時斷及按汁不盡煖氣漸微即生寒
令兒臍風

寶鑑論斷臍若用剪刀先于懷中令暖又水入臍多天釣痛苦啼叫面青黑臍傷動令久不乾傷外風即口噤不可救

莊氏烙臍丸

豆豉

黃蠟

各一兩

麝

少許

同擣爛熱捻餅子斷臍訖安臍上灸三壯炷如小麥不啼灸至五七壯封臍散封之不得濕恐腫

灸臍法第十一

聖惠云兒生一宿抱近明無風處者臍上有赤脰直

上者即于脉盡頭灸三壯赤散無患矣

王時發傳兒初生斷臍時于所留臍帶上當灸處灸
火艾炷三十餘壯令兒強盛

裹臍法第十二

附封

千金論治白練令柔軟方四寸新綿厚半寸與帛等
合之裹臍調其緩急急則吐衄二十日乃解若十許
日怒啼必衣中有刺或臍燥刺腹當更裹臍冬時須
閉戶下帳然火令溫暖換衣亦然仍以溫粉粉之若
過月臍有汁燒蝦蟇灰粉之日三四度若臍中水中

冷腹絞痛天糾啼呼面目青黑當灸粉絮尉之失護
至腫重者灸可至八九十壯不大腫但出汁時時啼
呼擣當歸末和胡粉傳之灸絮日熨之至百日愈以
啼呼為候若兒糞青者冷也與臍中水同

張煥斷臍後著熟艾厚裹愛護不慎浴水入臍或尿
在初袍濕氣傷臍或解脫風冷所乘令兒臍腫多啼
不乳即成風臍急用裹臍法風臍散

當歸

焙乾
半兩

天漿子

微炒
三兩

麝香

一錢
存性

燒

搗羅傳臍中時時用

又方燒絳帛末粉之

莊氏封臍散

劉氏多麝香無甌帶

雄鼠糞

七枚兩頭尖者是

乾薑

棗許大

緋帛

半分

甌帶

雞子大以上並燒灰

胡粉

燒黃三錢

和研細看臍欲落不落取藥封臍差不患腫濕燒藥勿令灰入

甘草法第十三

肘後方兒新產取甘草如中指節炙碎水二合煮一合纏綿點口中一蜋殼便吐胃中惡汁智慧無病待

飢渴更與兩服吐止須盡一合

黃連法第十四

集驗方初生兒惡汁留胃膈壅塞易生蘊熱驚癇瘡
癰用好肥黃連數塊槌碎綿裹如妳頭狀湯內浸成
黃汁拈擦一二點兒口中惡汁自下乳食便美未盡
用空綿別浸黃連後以朱蜜間與之

韭汁法第十五

本草云兒初生與韭根汁灌之即吐出惡水

聖惠甘草後暖水浸韭子汁塗兒唇上乾又塗數次

止不令入口

朱蜜法第十六

肘後方吐惡汁後鍊真朱砂如大豆以蜜一蜺殼和日與一豆三日止主鎮心神安竟魄

千金云與蜜多令兒脾胃冷腹脹喜陰癇氣急變噤瘕而死

牛黃法第十七

千金方朱蜜竟與牛黃不獨益肝膽除熱定精神止驚辟惡氣又除百病

張煥法

真牛黃一塊好蜜鍊熟成膏每服一豆大乳汁化時滴口中形色不實不宜多若胎熱體黃宜多服之

永粉法第十八

張漢兒面紅潤色赤啼聲響快者用永粉半錢旋旋吮之良久有臍糞下佳

寶鑑銀粉抹口舌上下左右兩頰然後飼朱蜜

猪乳法第十九

聖惠兒滿月內時取猪乳渣口中佳

猪兒飲母次便提後脚離乳急捋之即得

藏衣法第二十

崔氏兒衣清水洗勿令沙土草汗又清酒洗之仍內錢一文在衣中盛新瓶內青綿裹瓶口密蓋置便宜處三日後依月吉地向陽高燥處入地三尺埋之瓶上土厚一尺七寸須牢築令兒長壽智慧若不謹為猪狗食令顛狂虫蟻食令病惡瘡犬鳥食令兵死近社廟令見鬼近深水渚池令溺死近故竈令驚惕近

井旁令靜盲棄道路街巷令絕嗣當門尸令聲不出
耳靜著水流下令青盲弃火裏令生爛瘡著林木頭
令自絞死此忌須慎

天德月空法

正月天德在丁月空在丙壬

二月天德在坤月空在甲庚

三月天德在壬月空在丙壬

四月天德在辛月空在甲庚

五月天德在乾月空在丙壬

六月天德在甲月空在甲庚

七月天德在癸月空在丙壬

八月天德在艮月空在甲庚

九月天德在丙月空在丙壬

十月天德在乙月空在甲庚

十一月天德在癸月空在丙壬

十二月天德在庚月空在甲庚

天德月空處埋之若遇反支宜挂宅外福德上向
陽高燥處待過月然後依法埋藏吉

忌甲辰乙巳丙午丁未戊申甲寅旬中不得藏埋
甲乙日生丙丁日藏丙丁日生戊巳日藏戊巳日生
庚辛日藏庚辛日生壬癸日藏吉

子母秘錄用罐盛兒衣清水清酒洗竟入大豆小豆
各一合次城門土市門土獄門土葱園土韭園土各
一合重重復之上用五色帛各一尺五寸重重繫罐
口上用鐵一尺二寸先將淨墨塗遍次以朱砂書云
大豆某胡去無辜小豆歷歷去子癰城門土見公卿
市門土足人行獄門土辟盜兵葱韭園土剪復生與

兒青令兒壽命得長生與兒赤令兒身命皆清吉與
兒白令兒壽祿皆千百與兒皁令兒長壽不衰老與
兒黃令兒清淨去百殃急急如律令此鐵券置權上
埋法同前

剃頭法第二十一

崔氏初剃頭

寅丑日吉丁未日凶

集驗方京畿初剃頭不擇日胎髮穢惡多觸神竈小
兒不安俟滿月產婦與兒俱出房剃頭忌于溫暖處

剃後以生油杏仁膩粉頭上捺之以辟風邪其後亦宜此

禳謝法第二十二

崔氏法

軒轅者軋神天丞相使者風伯犯之驚吐取梨枝六寸埋生處吉

雷公者震神太陰使者天馬犯之煩悶腹滿解之以三屠家肉為餅于產處謝吉

咸池者坎神天之兩師使者犯之啼不止用羊脯

酒于生處謝吉

豐隆者艮神天之東明使者天僕地害氣犯之乍寒乍熱大腹以白魚二枚于生處謝又大豆一升投井中吉

招搖者坤神天上使者犯之驚空嚼不止以酒餅生處謝愈

天候者巽神天一執法使者犯之腹脹張眼白魚二枚生處謝吉

吳時者離神天一將軍遊鯨使者犯之驚腹痛馬

脯五寸于生處謝吉又以白魚五枚并棗餅埋生處吉

大時吉光神小時北斗使者犯之腹脹下痢解以酒脯于生處謝又以大豆一升投井中吉

犯月殺者驚啼用丹雄雞血于生處謝吉

犯白帟者用稻米一升雞子三枚于生處謝吉黍亦得

犯大夫者羊肝三枚稻米一升于生處謝用雞羝羊脾黍米謝亦得

犯日遊者口噤色變欲死者三屠家肉麥飯于生
處謝吉

幼幼新書卷第四

頌枏堂梓

幼幼新書卷第五

初生患病 凡十七門

後學古吳陳履端于始輯

戴湖華宗澤 校

初生不作聲第一

千金論兒生不作聲暖水灌之

嬰孺用冷水

由難產氣少

也取兒臍向身却捋之令氣入腹仍呵之亦以葱白
徐鞭之若啼始生即舉遲則中寒腹內雷鳴須先浴
後斷臍

水鑑方

胎風生下不能啼須使園中小葉葵搗取汁調
熊膽末纔交入口免傾危

初生眼不開第二

患眼兒生眼閉口開常呻吟因受胎熱用涼五藏藥
天竺黃散見重舌門及與母喫後以竹筒煎湯洗眼

洗眼方

黃連

秦皮

燈心

大棗

等分

竹筒煎湯洗

初生輒死第三

千金兒初生輒死視兒口中懸癰上齧有胞者翼云赤胞以指甲取頭令潰去血綿殺血淨血入咽殺兒慎之

初生不喫奶第四

巢氏者產人見兒出急以手料拭兒口無令惡血入口則腹內調和無有疾病若入腹心腹痞滿短氣不能飲乳又母取冷過度氣入胞兒著冷不肖飲乳為胎寒亦名難乳

外臺方

乳兩合葱白一寸煎一兩沸去葱喫即乳

聖惠人參丸

人參

龍膽

黃連

馬牙硝

甘草

炙微赤

枳實

夫炒微黃各二兩

搗羅蜜丸如桐子乳汁研二丸灌口中日四五服

差

朱砂丸治三歲以下胃口閉不喫乳

朱砂

牛黃

麝

丁香

甘草

炙微赤

人參

各一分

犀角

黃蓍

石膏

細研水飛

五靈芝

各半兩

搗羅研勻蜜丸如菰豆熟水下三九日四五服
治腹痛不肯飲方

赤茯苓

甘草

炙微

黃連

去鬚各

搗羅蜜丸梧子每丸研著妳頭令兒吮點口中亦
得

孔氏以乳汁研麝香一字服

灸法兒生二七日內不吮妳多啼者客風中臍循流
心脾灸承漿在下唇稜下宛宛中次灸頰車在耳下
頰骨後炷如雀屎各七壯此非灸不療

兒喉中鳴咽乳不利灸旋璣三壯在天突下一寸陷者中

初生吐不止第五

錢乙論兒初生急須拭掠口中穢惡令淨啼聲一發咽入喉故吐且多生百病

聖惠藿香散治兒生至半月嘔逆不止

藿香

紫苑

洗去苗土各一分

甘草

炙赤半兩

麥門冬

三分去心焙

桂心

半分

為散每服一錢水一盞煎五分去滓溫綿點瘡口

錢乙木瓜丸治初生吐不止

木瓜

木香

檳榔

麝

膩粉

各一字

研麵糊丸小黃米大每服一二丸甘草水下無時

初生不小便第六

不大便附

患眼臍風撮口因母食雞猪酒麵薑醋之毒熱流胎

中兒因飲血生下肚臃臍腫治以豆豉膏貼臍

見本門

及服牛黃丸

見風熱門

臍四邊青黑口撮即死

外臺人乳葱白煎服小便神效方見不飲乳

豆豉膏

黑豆一分

田螺十九個

葱一大把

搗爛芭蕉汁調貼臍下

吉氏粉蜜膏兒生三五日藏府不通六十日內諸患
蜜少許熟水解開調輕粉一錢點兒口極少許令
瀉一二行不可再服

初生懸癰第七

此下三門可相通

千金論兒六七日後血氣收斂成肉舌喉頰清淨若
喉裏舌下有物如蘆簾盛水名懸癰以綿纏長針穿

又處如粟米刺之令氣泄去青黃赤血即消未消來日又刺三刺消盡餘小未消三刺亦止自然消舌下名重舌頰裏及上齦名重齦齒齦名重齦皆刺去血汗

初生重舌第八

巢氏心候于舌而主血脾絡脉又出舌下心火脾土二藏子母也有熱即血氣俱盛其狀附舌下近舌根形如舌而短名重舌

千金治法見懸癰門

患眼戴口重舌重齲口瘡皆上焦熱因受胎時大受

極熱急以雞內金為末乾摻口內及朱砂膏見驚地熱門

黃膏見本門輪流摻之仍服天竺黃散見本門

地黃膏

鬱金

皂莢水煮乾切焙

豆粉

各半兩

甘草

一分炙

馬牙硝

研一錢

生地黃汁蜂蜜對合熬成膏和藥每服兩皂子大

香熟水含化或戴翎掃口內

金朱飲治驚壯熱傷寒伏熱上焦虛熱重舌口鼻生

瘡致赤眼方

本名天竺黃散

川鬱金

剉皂莢水黃乾細者如胆壯佳

天竺黃

甘草

炙

牙硝

各半兩

朱砂

研一分

蟬殼

十四箇水洗土

射香

少許

為末每服半錢至一錢蜜湯調下

肘後治卒重舌方

燒蛇蛻為末唾和塗舌上差

嬰孺醋調乾傳

千金方

田中蜂房燒灰酒和塗喉下愈

三家屠肉切如指摩舌上立能啼

竹瀝漬黃柏取細細點舌上

千金翼治重舌舌強不收乳

鹿角末如大豆許安舌上日三差

外臺錄驗

乳髮燒灰末傳舌上佳

姚和仲

馬牙硝塗舌下日三

聖惠治重舌口中生瘡涎出

白羊尿塗少許

桑根汁塗口中

一方黃汁令晚凡口內瘡俱佳

蒲黃散

蒲黃

露蜂房

微炙各一分

白魚

錢一

研勻少許酒調傳舌口中瘡上日三

張渙烏魚散

烏魚骨

一兩燒灰

乾蟻

燒灰

蒲黃

研各半兩

枯礬

錢一

研粉半錢以雞子黃調塗嚙津無妨

千金灸行間壯隨年穴在足大指岐中

外臺重舌欲死灸右足踝三壯立愈左右並良

千金灸兩

足外
踝

嬰孺以兒置箕內東向門中灸箕舌三炷

重齟重齟第九

千金論然前懸癰門

茅先生云心熱癰滯先用朱砂膏見驚積門塗舌上後用

牛黃膏見膈熱門

聖惠牛黃散一方無前三味有玄明粉

牛黃

白龍腦

朱砂各一

鈎霜半兩

太陰玄精石一兩

細研為散先于腫處以針鉗破出血鹽湯洗拭口
後搽藥神效

初生口中有虫第十

外臺療兒喫奶不穩七日以桑牡熱顏色赤鼻孔黃
恐作撮口及牙關虫似蝸牛亦似黃頭白蚌螺

竹瀝半合和少許牛黃服差

又猪肉拭口即虫出

初生著噤第十一

附風噤

巢氏兒口內忽結聚生舌上如黍不能取乳名噤由

在胎熱入藏心偏受熱

聖惠初生兒須防三病一撮口二着噤三臍風皆急
病着噤尤甚過一臘方免牙關緊急喫乳不穩啼聲
漸小口吐涎沫茅有眼閉人見大小便通以為冷熱所得
不知病在喉舌狀亦極重善救療者十不得三四依
將護法防于事先必無此患

千金治口噤赤者心噤白者肺噤

雞糞白棗大綿裹水一合煮二沸分再服

聖惠用
豆大三

枚水
下

又雀糞四枚末之着乳頭飲兒大十枚

外臺着噤病在咽如麻豆許令兒吐沫不乳

水銀如黍與服下咽便愈以意量之不過小麻子

許事急用

食療茶萸研汁灌口中死亦生

生下濕莖端三葉花黃子赤似覆盆子

聖惠川椒一两搜麴果三角肉樣燒黃熟以綿蓋兒口搗去尖如筍頭使椒氣入口效未覺再作

東行牛口沫取塗口額上效

張渙立聖散

乾蝟稍

七個

膩粉一錢

乾缺_知蛛

一個去口足先以竹漚浸知朱

一宿炙令焦取末

研極細服一字乳汁調時時湔口中

萬全方

兒乳後以髮纏指沾清水點拭着齒齦有黃筋兩條以筆刀割斷點猪乳便差口難開點猪乳

秘要

木梳先于懷內令煖却于耳門尖上掩一七次即安

張氏

蜈蚣

全一枝

蝎梢

七箇

鵬砂

朱砂

各三銖

梅花腦

麝

各一銖

研乳母唾調塗口唇四畔并牙關兒以舌攪藥即安一切急驚生薑蜜水調

附犯風噤方

第先生兒生一百廿日內犯風噤

病同看噤

因母受胎有

疾故受毒氣生來血氣未調又被風邪所擊致之治

法先與奪命散吐風涎

見急慢驚門

後下醒脾散

一見胃氣不和

脾風門門一見惕

夾勻氣散与服

見胃氣不和門

又下雄朱散

見驚

夾朱砂膏

見積驚門

常服即愈如手捉拳噤口不開死

初生戴口第十二

巢氏兒初生口裏白屑舌上生瘡如鵝之口故名由

在胎受穀氣盛心脾熱氣重發于口

千金論兒戴口劇者臯外

一作中

亦有之妊娠時嗜糯

米使之

茅先生論兒喉中壅一塊肉瘤閉却為喉痺身大熱

舌硬不轉為木舌口開滿口黃如膏名戴口三候皆

熱甚生風風壅熱毒至此為實熱先用積實牛黃丸

見實熱門

微與通吐惡涎後用勻氣散

見胃氣不和門

然用天竺

黃散

見實熱門

夾牛黃膏

見隔熱門

與服愈如喉響似鋸及眼

視面青黑不飲食死候

肘後方

以髮纏筴沾井花水拭之三日便脫去不脫可煮

栗芽汁令濃以綿纏筴拭之如無栗芽栗木皮亦

得

千金作栗棘

簡要用牙硝細研于舌上搽之日三五度

秘錄用素白皮汁和胡粉傳之

按新素樹汁妙

用雞胫黃皮燒末乳和服

張渙保命散

朱砂飛水

白礬

燒各一分

馬牙硝

半兩

各研細再同研先以手指纏亂髮揩舌上垢後取

白鵝糞以水攪汁調藥一字傳之

初生木舌第十三

餘木舌附

聖惠脾脉絡于舌舌者心之候若藏府壅滯心脾積熱邪熱之氣随脉上衝舌本則腫漸漸粗大不早療

滿塞口中當塞殺兒為木舌兒尤多此疾

水鑑木舌要可待黃葵更入黃鉛兩相知黃點之七

遍立便可神方不假藥多期

玄參散

一有甘草
炙半兩

玄參

川升麻

川大黃

剉微炒

犀角

屑各三分

散每服三錢水一盞煎五分去滓不計時溫服

馬牙硝丸

馬牙硝

三分
細研

川大黃

剉微炒

太陰元精石鉛霜

麝

寒水石

各半兩

甘草

一分炙微赤剉

白礬

燒半

搗羅為末蜜丸如彈子常含一九嚥津

射干散

射干

川升麻

木通

藺藺子

微炒

甘草

炙微赤對

漏蘆

各三分

川大黃

劉微炒

當歸

桂心

各半兩

散之每服五錢水一大盞煎至五分去滓不時溫

服

又方

犀角

黃苓

木通

劉各兩半

漏蘆

川升麻

麥門冬去心

羚羊角

屑各一兩

為散每服五錢水一大盞煎至五分去滓不時溫服

養生必用

大青患魚膽

一枚入五銖錢一文線扎定外用墨塗三次陰乾

少許冷水化開服

張渙川硝散

聖惠無硝鹽

川朴硝

半兩

紫雪

一分

鹽

半

研細每服半錢入竹瀝三兩點白湯調塗舌上嚥

津無妨

初生撮口第十四

聖惠兒初生肌肉未歛血凝成肌若血沮敗不成肌肉使面目繞鼻口左右悉黃而啼閉目聚口撮面口中乾燥四肢不能伸縮宜與龍膽湯

面赤喘急啼聲不出是撮口此患尤甚由母胎中挾風熱生後氣血未調或洗浴當風襦袍失度一臘內有此

飛仙論臍風撮口多是剪臍帶傷動賊風入臍撮口

不開下乳不得其候面青哭聲不出多撮唇口若吐
出白沫四肢覺冷死

小兒宮氣方

白殭蚕二枚為末蜜和傅唇舌差

陳藏器方先勞兒口傷令見血碎雀甕取汁塗之產
時若開諸物口不令閉多使兒患撮口

聖惠釣藤散

釣藤

川升麻

黃芩

各半
兩

蜣螂

二枚
去翅

足微
炒

為散每服一錢水一小盞入蘆根一分煎至四分去滓徐徐溫餵

當兩乳中高下平以線量灸之三壯起死仍用後方

烏驢乳

合一兩

東引槐枝

十枚長三寸

燂火煨槐枝入火一半着不煨頭津出即取拭却

于乳中浸漬更便以槐枝點乳于口中大驗

又赤足蜈蚣

一枚

雀兒飲菴子

下開口者五箇

燒為灰細研粥飲調下一字

漢東王先生定命散

赤脚蜈蚣

半條酒炙令乾

烏頭尖

生三箇

麝少許研

研極細每服一字煎金銀薄荷湯調下

張渙急風散

蛇蛻

微炒

乾蝎稍

釣藤

各一分

搗羅為細末次用

朱砂

一分水飛

麝

生黃

各半錢研極細

都拌勻再研每服一字取竹瀝一兩點同乳汁調下

初生中臍風第十五

聖惠論臍風者由斷臍後為水濕傷或尿襦袍乳母
不覺濕氣傷臍亦因解脫風冷所乘令兒四肢不利
臍腫多啼不能乳哺不急療遂致危殆

茅先生兒生三臘有臍風候腹臍腫滿口撮身熱不
大乳哺因母受胎時恣情餐啜遂熱毒聚胞牙兒飲

母熱血五歲未成復受風邪而得治以朱砂膏

見驚積門

蜜化妳上吮後用豆豉膏

見本門

塗臍四邊日六服朱

砂膏甚疾方愈臍四邊黑口撮此為內搐不治爪甲

黑當日死

千金有臍風臍濕臍瘡三者皆因斷臍後為風濕傷而成夫風入臍四肢不利多啼不能乳為臍風腫濕經久不乾為臍濕風濕相搏令臍生瘡久不差為臍瘡有一不已入于經脉多變為癰癰成作癰治聖惠兒初生七日封臍雄鼠散

雄鼠糞

七枚微炒

胡粉

半兩

大棗

五枚去核

綿帛灰

麝香

細研各一錢

研為散臍欲落不落用藥傳不令風入

又方

亂髮

雞子大燒烟欲
斷不斷即堪用

蜈蚣

公一寸許
燒灰

麝小豆
大

羚羊角

燒灰
一錢

崔兒飲芻子

相和細研勻割臍了便傳效

茅先生貼臍風豆豉膏

豆豉

天南星

白飲

赤小豆

各半兩為末每服二大錢用芭蕉自然汁調塗臍
四邊日一次即安

良方視兒上下斷當口中白色如江豆大急以指爪
正中搯之自外達內搯令匝微血出不妨白處兩盡

頭亦搯內外氣脉斷不必破肉指爪勿令大銛恐傷
兒甚驗

孔氏

金頭蜈蚣

一枚

青州蝎稍

四箇

白僵蚕

七箇

瞿麥

二字

為末吹臍內啼時可醫更用薄苛水服一字

初生臍濕第十六

氣臍淹
破臍附

聖惠兒斷臍後洗浴傷濕水入臍令腫經久不乾斷
臍多著熱艾厚裹不令尿濕著臍

嬰孺論兒尿清者冷與臍中水同兒腹疼糾呼面目

青黑當看臍腫輕重重者灸八九十壯輕者不大腫
但出汗時啼者擣當歸胡粉末傅之仍炙粉絮日熨
啼止候

顓頊經治臍濕

白礬一錢

龍骨一錢

末入麝少許拭臍乾用怕風

外臺兒臍濕暖鹽豉熨方

鹽豉等分擣作餅如錢安新瓦上炙熱熨臍差止
亦用黃柏末粉之

絳帛灰傳臍中

聖惠封臍散

胡粉

雄鼠糞

七枚
燒灰

龜帶

一圍
燒灰

乾薑灰

綿帛灰

白石脂

各半
兩

細研加麝一錢看臍欲落不落即封差末患傳終
不患燒藥時不令灰入

蝦蟆牡蠣各一枚燒灰細研少許傳臍中日三兩上
差

錢乙藥墨散

公外集卷五
黃蘗

釜下墨

亂髮等分
燒

為末傳少許

良方當歸焙乾為末研細著臍中頻用驗
莊氏氣臍大如栗虛腫而軟疼

竹瀝塗日數上消

兒臍濕淹破屋爛草為末頻搽效

聖惠臍腫灸腰後對臍骨節三壯炷如麥

初生臍瘡第十七

巢氏論見前臍風門千金論

肘後乾蝦蟇燒灰傳日三四佳

聖惠有枯礬

張渙金黃散治臍瘡久不差傳經絡變癰

川黃連

一分

胡粉

龍骨

燒灰各一錢

各另研復合研為細末傳臍中時時用

幼幼新書卷第五